

Газет 2001-йисан
ноябрдилай акъатзава

Эренлардин СЕС

РД - дин Докъузпара райондин общественно-политический газет.
Общественно-политическая газета Докузпаринского района РД.

№39 (864) 26-сентябрь, арбе, 2018-йисе. Газетдин са экз. кьимет кюскрай - 10 манат


РАЙАДМИНИСТРАЦИЯДА

Нубатдин совещание

И йикъара «Докъузпара район» МР-дин кьил Абдурагъим Алискерова райондин идарайринни тешкилатрин жавабдар кьуллугъчийрихъ, хуьрерин администрациядин кьилерихъ галаз нубатдин совещание кьиле тухвана.

Совещанидал жуьреба-жуьре месэляяр веревирдна, вилик акъвазнавай месэляяр малумарна, абур гьядай рекьер жагъурна.

Райондин экономикадин отделдин начальник Султанмурад Магъмудова 2018-йисан пуд лагъай кварталдиз талукъ яз къватнавай налогрин гьакьиндай ихтилатна. Вичин рахунра ада чилер актуализация авунин жигъетдайни районда авай гьалар малумарна. Налогрин вири жуьрейриз талукъ яз ада хуьрера ва санлай районда гьихьтин гьалар аватла, галай-галайвал ихтилатна. Къейд авурвал, объектар ва чилерин участокар регистрация авунин кар хъсандаказ кьиле физва. Гьа са вахтунда райондин сергъятра регистрация авачиз къвалахзавайбур дуьзддал акъудунин къвалахни активдаказ давамарзава. Ихьтин, яни регистрация авачиз къвалахзавай ксар учетда эцигзава ва абурухъ галаз икьрар кутунзава. Гуьгъуьнлай ада чилериз талукъ са бязи месэляяр къайдадик кутун



патал хуьрерин администрациядин кьилеризни тапшуругъар гана.

Гуьгъуьнлай райондин мектебриз талукъ месэладайкай ихтилатар давам хъана. Ик, райондин кьил Абдурагъим Алискерова малумарайвал, райондин кьилин заместитель Салигъ Гъажимурадова ва технический отделдин начальник Фазил Сурхаева вири мектебар ахтармишнава ва къайдадик кутун хъувуна герек тир месэлайриз талукъ яз смета туькьуьрнава. Малум хъайивал, хуьтуьн сезондиз вири мектебар лазим тирвал гъазур жеда.

Коррупциядиз аксивалунин рекъяй райондин кьилин куьмекчи Садам Агъаширинова къейд авурвал, муниципальный кьуллугъдал алай ксариз тешкилатривай ва я кьилдин

ксаривай савкъатар къачудай ихтиярар авач, савкъатдин кьиметдилайни ам гунин себедилай аслу туьпиз. Ада гьакьни райондин сергъятра 2018-2020-йисара коррупциядиз аксивалунин жигъетдай тухудай къвалахдин план туькьуьрнавайдакай малумарна.

Совещанидин эхирдай райондин кьил Абдурагъим Алискерова къейд авурвал. 5-октябрдиз муаллимрин югъ – сувар къейдзава. Миграгърин мектеб эцигдайдалай инихъ алай йисуз 100 тамам хъанва. Райондин кьили и вакъийариз талукъ тир шад мярекатра вирида иштиракун лазим тирди лагъана.

Чи мухбир

Агалкьунрин рехъ кьуна...

(Докъузпара район кIвачел ахкьалдарайдалай инихъ 25 йис тамам хьунихъ галаз алакьалу яз)

Гъеле кьилдин район яз арадал кьведалди Докъузпара Самур округдик акатзавай. Адан тарих аслу тушир ва кьудратлу жемьтдин кIватIалрихъ (общинарихъ) галаз алакьалу жезва. Ихътинбурук Ахцегь-пара, Алты-пара ва Докъузпара кваз хьайиди ашкара я. «Азад общество,- кхъизва тIвар-ван авай алим, профессор Р. Мегьамедова, - ам са тайифа ва тайифайрин союз туш. Ам хуьрерин жемьтдин политикадин тешкилат тир. Азад обществодин кьиле авай векилри дяведин, чуьруькрин, шариатдин месэляяр вири саналди гьязтавай»...

1811-йисан февралдин вацра генерал Ф. Хатунцеван иштираквал аваз Кьиблепатан Дагъустандин азад обществойри чеб Урусатдин куьлгедик эчекIунин разивал гана. 1839-йисуз Императордин теклифдалди Докъузпара цийиз арадал гъана кIанзавай административный кIалубдик - Самур округдик кутуна. 1897-йисан делилралди, Самур округдин рамагра 5602 балкIан, 2650 лам, 157 кьатир; нехирра-1416 кал ва яц, 148 гамиш; суьруьйра-308396 хеб, 7245 шегь, вири санлай - 365611 куьлуь карч алай гьайванар авай. 1886-йисан переписда Кьурушдал 718 кьилдин майишат кардик квайдакай хабар гузва. Инсанрин кьадар ана 5 агъзурдав агакьнавай. Дагъустанда советрин власть мягькемарунин карда Нажмудин Самурскийди кьетIен роль кьугъвана. Дагъустандин ВКП(б) - дин обкомдин сад лагъай секретарь хьайи адан теклифдалди, 1934-йисуз Докъузпара район тешкилнай. Дяведин йисара докъузпаравийри (1941-45-й.) оборонадин фондуниз 700 хьичикь, 10501кг. сар, 17257кг. як, 380кг. чIем гана. Хирер хьанвай аскерриз, алава яз, 31100кг. як, 547кг. чIем, 365кг. ниси куьмек яз ракьурна. 1943-йисан 14-мартдиз Дагъустандин обкомдиз ракьурнавай чарче чи райондин



ВКП(б)-дин военный отделдин зеведиш А. Назирметова кьейдзава: «Докъузпаравийри В. Эмирован тIварунихъ галай авиаэскадрилья, Имам Шамилан тIварунихъ галай танковый колонна, «Дагъустандин жегьил пионер» бронепоезд, М. Гьажиеван тIварунихъ галай» бронепоезд тукIуьруниз, талукь тирвал-578464, 658000, 60000, 2600 манат пулар кIватIна. Пулдин такьатар кIватIунин карда чаз Гьажикьулиев Нажмудина, Кельбиханов Юсуфа, Даштиев Зульфихъара, Вердиханов Эрзимана еке куьмекар гана...»

Советрин халкъ душмандал гъалиб хьунин карда докъузпаравийринни кьетIен роль кьугъвана. Кьегьалрин жергеда Советрин Союздин Игит Мирзе Велиеван, ягъунар кьадай дивизиядин командир, полковник Х. Заманован, итимдиз тешпингь дишегьли Х. Н. Эмирсултановадин ва цIудралди масабурун тIварар гьатна. 1951-йисуз чи райондин сергьятра Кьурушрин ГЭС эцигиз башламишна. Вири Дагъустанда, сифте яз электрик экуьналди таьмин хьайиди чи район я. 1960-йисуз Гьукуматдин кьиле хьайи са бязи руководителрин саймазвал сеbeb яз чи район чукурна ва ам Ахцегь райондин кIватIалдик кухтуна.

Виликдай Ахцегь райондик кваз хьайи Докъузпарадин дере вилик фин патал алатай асирдин 60-йисарилай эгечIна са кепекни харж тавурди фикирда кьуртIа, район цийиз чкадал хкайдалай гуьгьуьниз алатнавай 25 йисан кьене еке цийивилер ва кьулайвилер хьанвайдал, са шакни алач. Докъузпаравийри разивилелди райондин кьиле хьайи (2001-2017-йисар) К. С. Абасоваз баркалла ва аферин лугъузва.

Район кIвачел ахкьалдарунин камар

XX лагъай асирдин 90-йисара СССР-дин сиясатдин кьурулушда дегишвилер хьунихъ галаз алакьалу яз, Докъузпарадин агъалийри район кIвачел ахкьалдарун патал месэла къарагъарна. И кардин кьиле рагьметлу Агъаширинов Махсуд Агъаширинович акъвазна. Махсуд муаллимдин гьахьлу тереф РД-дин Госсоветдин председатель М.М. Мегьамедова хвена. Район кIвачел ахкьалдарунин карда важиблу роль «Октябрдин 60 йис» совхоздин директор К.С. Абасова, Ватандин ЧIехи деведин иштиракчи, гьуьрметлу агъсакал Э.С.



Амирагьмедова, ахцегьрин РОВД-дин начальникдин заместитель Г.Я. Арабова, «Октябрдин 60 йис» совхоздин парткомдин секретарь А. Я. Шамилова, райондин управленидин начальник Гь. Э. Шагьвеледова ва масабуру кьугьвана. Республикадин гьукумда абурун тереф Гь. А. Балатова хвена. Ахцегь райондин а вахтарин кьиле хьайи муниципальный тешкилатдин Кьил Мурад Алимович Алимован алахьунарни себеб яз 1993-йисан 24-июндин Республика Дагьустандин Президиумдин кьарардалди Докьузпара район цийи кьилелай кьвачел ахкьалдарна.

Райцентр Усугьчайдал кардик ква. Адан кьватгалдик 9 муниципальный хуьрерин тешкилатар ква: Усугьчай, Мискискар, Каракуьре, Кьуруш, Кьилер, Цийи-Каракуьре, Кьалажух, Миграгь ва Авадан. Алай вахтунда райондин мулкуни 452,10 квадратдин километрдин майданар кьазва. Агьалийрин кьадар 17 агьзур касдив агакьнава. Вич арадал ахкьалтай са куьруь вахтунда чи районди малдарвал вилик тухунай, багьманчивилин хилай хьсан нетижаяр кьалурна. Хуьрера яшайишдин гьалар хьсанвилихь ва кьулайвилихь элкьуьрна. 38 километрдин майдандин кьаналар акьудна. Салар дигидай цин патахьай дарвал амуькьнач. 10 агьзурни 501гектар чилер цик

акатна. Авадан хуьруьн агьалияр, сифте нубатда яз, тьебии газдалди таьминарна. Кье Цийи-Каракуьредин, Усугьчайдин, Мискискарин хуьрерин агьалийринни вили ялавдилай хийир кьачузва.

Чьехи тешкилатчи ва кар алакьдай райондин регьбер Керимхан Саидагьмедовичан алахьунар себеб яз, райадминистрациядин цийи дарамат эцигна, Цийи-Каракуьредин ва Мискискарин хуьрера типовой школайрин дараматар ачухна, 2001-йисалай райондин «Эренлардин сес» газет акьатиз гагьунна. 100 метрдилай артух яргьивал авай муькьвер эцигна, райондин сергьятрин 22 километрдин рекьера кьир пана. Алай вахтунда райондин сергьятра Миграгь-Каракуьре (16км.), Кьилер-Цийи-Каракуьре (7км.), Демиркент-Усугьчай (4км.), Кьуруш-Мискинджа (11км.) яргьивал алай кьаналар кардик ква. Текипиркент-Кьалажух (8км.) кьаналдин кьвалахни вилик акьвазнава. Районда 4767 кьилдин майишатар, 22 агьзур га чуьлдин мулкар, 3 агьзур га векьер ядай чуьл, 1,5 агьзур га цадай чилер ава. Гьар йисуз докьузпаравийри, юкьван гьисабдалди, 25 агьзур тонн яр-емишар кьватл хьийизва. Малдарвилдин хелни вилик физва. Райондин агьалийрин хьуси

секторда 8 агьзурдалай кьилихь карчи ири гьайванар ва суьруьйра 30 агьзурдалай кьилихь лапагар, 18 агьзурдалай кьилихь кьушар ава. Гьвечи ва юкьван алишверишдал машгьулбуруни райондин агьвалдиз хьсан кьязанжияр гьизва.

Райцентр, Усугьчайдал ЦБ кардик ква, Мискискарин, Авадан хуьрера-участокдин больницаяр, вири хуьрера ФАП-ри кьвалахзава. Вири хуьрера спортдин секцийри кьвалахзава, аялрин бахчаяр кьуллугьдик ква. Райцентрда Культурадин Дворец эцигнава, Гьалибвилин парк ачухнава. Цийи-Каракуьре, Усугьчай хуьрерин агьалияр тьебии газдалди таьминарнава. 2009-2010-йисара «Докьузпара район» муниципальный тешкилат РД-дин шегьеррин округдин ва муниципальный райондин арада кьвед ва пуд лагьай чкайриз лайихлу хьана. Райондиз регьбервал гайи вахтунда Керимхан Саидагьмедовичалай райадминистрациядин кьиле авай ксарикай, идарайрин ва тешкилатрин чьехибурукай ибарат тир мягькем ва сих коллектив арадал гьиз алакьна. И жавабдар кьуллугьдин дестеди гуьнуьна аваз кьвалахзавайди жемьятриз раиж я.

(Кьватл ама)

Шагьбала ШАГЬБАЛАЕВ

ЮБИЛЕЙ

Чирвилерин чад

(Миграгьрин школадин -100 йис)

1918-йисуз Миграгьа чи райондин хуьрерикай сифте яз советрин сифтегьан мектеб ахьайна. Аялриз тарсар Малла Кьасуман ратгал алай куьгьне дараматда гузвай. Цийи мектеб патал Каркун кламун кьерехдал дарамат эцигиз башламишна. Советрин мектебдиз муаллимар без жезвачир. Абурун чка медреса куьлягнавай арадал савадлу инсанри кьуна. Муаллимар жез кланзавай жегьилар Дербентдиз,

Темир-Хан-Шурадиз ва Ахцегьиз курсариз раькурна. Хуьре савадсузвал тергзавай курсари кьвалахиз башламишна. Мектебдин дарамат эцигун патал Салахьрин Байрама вичин пулдин такьатар харжна. Гьа и йисуз Миграгьа рушарин мектебни ачухна. Миграгьрин советрин мектебдин сад лагьай муаллимар Байбутов Жаруллагь, Эфендиев Камалдин, Агьаев Рамазан, Агьаев

Абдулвагьаб, Бабаев Сани хьана. Чкадин халкь савадлу авунин кар Салманов Абдулагьа, Саркаров Абдулагьа, Девлетханов Девлетхана ва масабуру давамарна.


1935-йисуз Зейналов Зиядинан регьбервилик кваз Веьрен тьулал мектеб патал цийи ва гегьенш дарамат эцигна. 1938-йисуз, Докьузпара районда сад лагьай



юкьван мектеб хъана. Цийи мектебдин кьилени З. Зейналов акъвазна. Миграгърин муаллимри хуьре ва районда еке гьурмет къазанмишна. З. Зейналов ва А. Салманов «Зегъметдин яру пайдах» орденриз лайихлу хъана. Ватандин ЧЕхи дяе башламишайла, миграгъви муаллимарни, Ватан хуьз фена. Хуьре кьуьзуь муаллимар ва жегъилар-Буньяминов Аскер, Агъаметов Сабир, Загъиров Алимгъамед, Агъаева Десте ва масабур амукьна. Миграгърин школада келай гзаф жегъилрикай дяведин йисара женгчи офицерар-командирар хъана. 12 кас телефни хъана. Дяведин йисара Миграгъиз кваллахиз Урусатдай 25 кас рушар-муаллимар атана. Абурукай Степанова, Румянцева, Дробецко, Лескова, Исакова, дяведилай гьугьуниз атай Антонина Владимировнани гьамишалугъ яз Дагъустанда амукьна. Абурун виридан тварар школадин «Гьурметдин ктабда» кхьенва.

Дяведин залан йисара Миграгърин юкьван школада директорвиле Дагъустандин халкьдин шаир, кьурушви Шагь-Эмир Мурадова, стлалви Гъанифа Нуралиева, миграгъви Аскер Буньяминова кваллахна.

1944- йисуз хуьруьз залан хирер алаз Гъамид Ибрагъимов хтана, школадин директорвиле везифаяр адан хиве туна. Ада мектебдиз хейлин цийи кьуватар желбна. Абурук фронтвик муаллимар-Ж. Незиров, С. Муршидов, Д. Исмаилов, Х.



Рамазанов, К. Келбиханов, М. Абдуллаев, Гь. Шамурханов ва масабур квай.

1952-1962-йисар Миграгърин школа патал бегъерлубур, гзаф несилриз чехи уьмуьрдиз гегъенш рекъер ачухайбур хъана. Миграгърин юкьван школа акъалтларай сукхайрикай чи уьлкведин вири пиплера кваллахзавай дережалу ва гьурметлу пешекарар хкатна. Абурун жергедай яз тварар къаз жела: медицинадин илимрин доктор, академик Салигъ Гъейбатован, РФ-дин халкьдин художник, скульптор Гъейбет Гъейбетован, «Росатомдин» конструктор, техникадин илимрин доктор Идрис Даштиеван, Дагъустандин халкьдин шаир Арбен Къардашев, РД-дин Госпремиядин лауреат, шаир-сатирик Жамидин Гъажимурадован ва цудралди масабурун. Миграгърин школа акъалтларай 500

каси чи уьлкведин вузра келун давамарна, кьилин образование кьачуна.

Алай вахтундани абурун жергеяр кьери жезвач. Къейд авун лазим я хьи, Миграгърин СОШ-да кье 130 аялди чирвилер кьачузва. Абуруз 22 муаллимди уьмуьрдин тежрибадихъ элкьвенвай гегъенш чирвилер ва тербия гузва. Шак алач, юбилейри чи рекел еке тарих, муракаб рекъер, хъайи чехи магърумвилерихъ галаз санал еке агалкьунарни гьизва. Ихътин мярекатри несилрин алакьа мадни мягъкемарзава. Чна, феийи рекъер веревирд ийиз, виликди еримишун лазим я.

Къурбан АКИМОВ,
филологиядин илимрин доктор,
профессор.
Мердали ЖАЛИЛОВ,
«Лезги газетдин»
культотделдин редактор.

Къати ягъунра ва цаяра

Дяе башламишай эвелимжи йикъарилай эгечина – Москва кьун –душмандин мурад тир. Адал гьужум авунин шан яргъалди, ахтармишна, дикъетдалди гьазурнавай. Гитлеран приказдалди немсерин-фашистрин армияди 1941- йисан 30-сентябрдиз Москвадал садлагъай генеральный гьужум авуна. Душмандин къаст ихътинди тир: советрин кьушунрин кьенепатаз гьахъна, Кефердихъай –

Волоколамскдай, Клиндай, Дмитровдай, Кьибледихъай-Туладай ва Каширдай яна гьахъна, Москва хуьзвай кьушунар «хехера шукъуьрун» ва терг авун. 12-октябрдиз меркез чпин гъилиз къачун. И мураддалди душмандин «Центр» твар алай кьушунрин десте 80 дивизиядив агакъарна, ида Гитлеран Германиядин вири Яракьлу кьуватрин 40 процент тешкилзавай. Гьакъини-танкарин


дивизийрин пудай кьве пай!

Фашистрин чехи кьушунар Москвадихъ рекъе гьатна. 1941-йисан октябрдин юкьвара чи меркездин къваларив къетин ягъунар кьиле фена. Кьушунра еке магърумвилер хъанвайтани, фашистри виликди еримишзавай. Москва еке хаталувилик квай. Чехи уьлкведин амай аскеррихъ галаз санал дагъустанвияр, гьа жергедай

яз



докъзпаравиярни меркез хуьнин ягъунрик экечІна. Москва хуьнин женгера къурушвиар тир Агъмедов Ибрагъима, Ламазов Сефербега, Ферзалиев Саидалиди чпин чанар къурбандна. Мамерзаев Къариба Москвадин ягъунрилай гуьгъуьниз Киев, Коваль, Ровно, Липецк азад хъийидай женгера иштиракна. Москва хуьдай женгера Каракуьредаи тир алакъадин аскер Исламов Бекир Исламовични тафаватлу хъана. Адан дяведин лайихлувилер «За отвагу» («Дирибашвили») медалдалди къейдна. Москвадин кІаник магълуб хъайи немсерин фашистар 1942-йисуз чи уьлкведин девлетлу къиблепатан районар къун патал, Волга вацал фена, Сталинград къуна, ам Москвадин алакъайрикай атІудай гъжум гатІумна. Дяведин тарихда садрани тахъай хътин еке сергъятрин, къати дяве башламишна. Советрин халкъди Сталинграддин ягъунра чпин баркаллу аскервилин ерияр, душмандин аксина дурум гуьнин лигимувал ва аскервилин уstadвал, душмандиз, чпиз цІийи женгинин гужлувал къалурдай техникадин чешнеяр къалурна. Фельдмаршал Паулюс къиле авай, 330 агъзур аскердикай ва офицердикай ибарат тир армияди чеб есирвиле вахкана. 1943-йисан 2-февралдиз Сталниграддин дяве акъалтІна. Сталинграддин ягъунра Абдуллаев Закира, Багъиров Агъабеге, Мамедов Хаспулата, Фаталиев Ислама, Хидиров Магъмуда, Шихкеримов Жумарта чпин чанар къурбандна. Каракуьредаи тир Ханбике Наврузовна Эмисултановадинни Сталинграддин Къиблединни РагъкъечІдай патан фронтдин 706-полкуна, 204-стрелковый дивизияда алакъадин аскер ва зенитчица яз къуллугъна. Адан женгерин лайихлувилер «Красная Звезда» ордендалди, хейлин медалралди къейдна.



Душманди гъжум акъвазарначир. Гила адан пландик 1942-йисуз нефтІадалди девлетлу чкаяр къун квай. И мураддалди немсерин фашистри Кеферпатан Кавказдал гъжумна. Кавказдин ягъ квай халкъар, вири душмандин аксиниз экъечІна. Ииви экъичзавай къати ягъунра чи районгълияр тир Агъмедов Къагъримана, Гъажибалаев Шагъбалади, Мирзоев Малика, Къагъриманов Гъажиди, Хидиров Эллезиди. Алхасов Шагъназара, Гъамзаев Агъмедризади чпин чанар къурбандна. Советрин къушунри Кеферпатан Кавказда гъалибвал къазанмишайдалай гуьгъуьниз, Чехословакия, Венгрия ва Австрия азад хъийидай женгерани иштиракна. Ватандин Чехи дяведин йисара Курскдин ва Орловдин гъалкъада къиле фейи ягъунарни гъалибвилин бине эцигунин карда къетІенбур хъана. Курскдин ягъунра чахъ авай делилралди, са Къурушдилай 24 къегъалди иштиракна. Ингъе абур: Адигъзелов Агъакши, Алимов Тарлан, Асланов Агъа, Къулиев Ризван, Мамеев Абдулхан, Медетов Медет, Магъмудов Шевкет, Рагъманов Къафлан, Селягъов Къадир, Ферзалиев Абас, Хидиров Сагъдедин, Эскеров Минетуллагъ, Алхасов Шукур, Алисултанов Баба,

Велиев Хасай, Къулиев Аллагъверди, Мегътиев Муса, Мамедов Самид, Рустамов Суледи, Седрединов Несредин, Хидиров Магъмуд, Шихметов Шагъбан, Мусаев Агъед, Гъажиев Сейфедин. Чи райондин рухвайри Ленинград шегъердилай гъалкъа алуддай женгерани иштирак тавуна тунач.

Невадал алай баркаллу шегъер хуьник ва азад авунин карда Мамедов Гъажиди, Исмаилов Къурбана, Аллагъвердиев Аразхана иштиракна. Алхасов Нусрета, Гъажиев Сабира, Гъажиев Самедина, Шихкеримов Жумарта Ленинграддин чил хуьдайла, чпин жегъил чанар къурбандна. Берлин къачудайла, къиле фейи ягъунар лап къизгъинбур хъана. Цавай бомбаяр къвазвай, тупарин, пулеметрин, автоматрин хар акатнавай...

Каракуьредаи тир Р. Рустамов Рейхстагдин куьвал хкаждай пайдах гвайбурун дестедик квай. Берлин къачудайла, къиле фейи женгера къурушви хва Везиров Микъадни тафаватлу хъана. Фашистрин магъарада Мамедов Къариба, Байрамов Аслана, Гъажиев Сейдиди ва цІудралди маса докъзпарави рухвайри чпин къегъалвилер къалурна.

Шагъбала ШАГЪБАЛАЕВ

ШАРКЪ ПАТАН КАМАЛ

Камаллу къарар

Са мус ятІани шегъеррикай сана илчи яшамаш жезвай. Адан пеше наврузбегриз свасар жагъурун

ва свасариз чамар жагъурун тир. Садра кар акІ элкъвена хъи, ада цІувад йиса авай руш къанни цІувад

йис тамам хъанвай чамран лишанрик кутуна. И карда илчиди итимдин яшар



чуйнуьхнавай. Рушан диде-бубадиз наврузбег жегьил туширди чир хьана. Абуру лагьана:

- Ваь, чун руш адаз гуз рази туш. Сусанни чамран яшарин арада еке фаркь ава. Тамам къад йисан фаркь! Илчидивай затИни ийиз хьанач. Адан гуьгьуьлар ханвай, эхирни илчи са къазидин (судьядин) патав фена, адаз гьакьикъат малумарна. Къазиди рушан диде-бубадиз ва илчидиз эвер гана. Сифте

ада рушан диде-бубадивай жузунна: - Куьн сифтедай икьрар хьанвай. Гила вучиз рейсад туш, ганвай гаф чИуриз? Рушан диде-бубади жаваб гана: - Илчиди чаз вири авайвал, дуьз лагьанач. Наврузбег сусалай къад йис чIехи я. Гьавилий чавай а мехьериз разивал гуз жедач. Чаз гьич тахьайтIа, чи рушан чам адалай къве сеферда чIехи яз кIанзава. Къазиди лагьана: -АкI жеда, куьне лугьузвайвал. Гила Куьне куь руш а

чамраз вад йис алатайла гьуьлуьз це. Наврузбегди къуй гуьзетрай. Чамран яхIур йис тамам хьайила, сусан къад йис жезва. ИкI гьисабайла, чам куь рушалай къве сеферда чIехи жезва. Къазиди ихьтин кьарар къабулна. Рушан диде-буба, гьамни илчи рази яз амукьна. Мад са затИни лугьуз жедач, кьарар гьакьикъатданни камаллуди тир!

Камаллу келимаяр

· Жува жуваз шиб це, чир жеда, гьейридаз тIар жезватIа?!

· Кьалш дуст ачух душмандилай хаталу я.

· Кьадарсуз ваз яб гунуг – вафалувилини лишан туш.

· КIел авун, чирвал къачун – цин аксина сирнав авун я, акьваз хьана хьи, кьулухьди хутахда.

· Буржи таммарун патал жува жув са кардиз кьурбанд авун- им уьмуьр хуьз алакьун я.

· Жуван кьайгьударвал ийиз кагьул хьайила, дердер гьа вахтунда гатIун жезва.

· Камаллуда дегишвилериз ихтибарзава, вич ана дегиш тахьунин макьсаддалди.

· Дуьньяда целай назик ва зайиф затI авачтIани, адалай виридалайни мягькем затI чукуьриз алакьда.

· Камаллу сердер дявекар жедач. Кар алакьдай аскер хьиле гьатдач. Душмандал гьалибвал къачуз жедайда, адал вегьедач. Инсанрихь галаз рехь атIуз алакьдайда, абур ажуз гьалдиз авуддач. Ибур инсанралди къуват гьялуни жуьреяр я. И карда

дегьзаманайрин эвелдиз ва тIебиатдиз кьуллугь авун ава.

· Апервилерилай агьур гунагь авач.

· Экуьнахь гьакьикъат чир хьана, нянихьди кьейитIани жеда.

· Чирвал хиялар галачиз манасуз я, амма хиялар-чирвал галачиз – хаталу.

· Гаф дуьзди хьана кIанда, къаст – кIват тийидайди.

· Кисун – виридалайни чIехи дуст я, ада садрани санални маса гудач.

· Эгер инсан мягькем, кьетIи, адетдинди ва гаф акатдайди ятIа, ам инсаниятдиз муькьвади я.

· Ажугьдиз гьакьуналди жаваб гана кIанда, регьимдиз – регьимдалди.

· Уьмуьрдикай икьван тIимил чизвай чаз, ажалдин вуч чир жеда?

· Эгер кьез мергьяматлу кар ийиз кIанзаватIа, жувалай вилик муалимдизни рехь гумир.


Гьазурайди - Шагьбала ШАГЬБАЛАЕВ

Акатай чкадал зирзибилар гадарзава

И ва я маса хуьруьн мулкар зирзибилрикай хуьнин месэла неинки администрациядин кьилин, гьакI ваганда абадвални михьивал хьана кIанзавай гьар са агьалидин гуьзчивиликни хьун лазим я. Хуьрерин зирзибилар гадарун патал Докьузпара районда махсус чка фадлай кардик ква. А чка, малум тирвал, Докьузпара райондин кьерехда, инсанар яшамаш тежезвай чуьлдин сергьятра ава.

Гьар са хуьре кIватI жезвай зирзибилар тайин вахтунда пар чуьлгадай махсус улакьра аваз а чкадиз тухузва. Кьейдна кIанда хьи, хуьрера и крарал машгьул жезвай ксарни тайинарнава.

Мумкинвилер арадал гьанватIани, бязи дуьшуьшра чун зирзибилар гадарнавай гьамбаррал



дуьшуьш жезва. ИкI, и йикьара зун Миграгь-Кьазмайрал яшамаш жезвай Жамал Камаловахь галаз

«Миграгь-Каракуьре» кьаналдин сив селди тухванвай чкадал фенай. Миграгь-



Къазмайрин мулкарлик акатзавай, тIвар къунвай дигидий цин къаналдин сивин патав гвай чкадал чаз цийиз арадал атанвай зирзибилрин гьамбар акуна. Тебиат къацIур тавунин, жув авай чка михьйдаказ хуьнин месэлайриз талукь тирвал фикир тагузвайвиляй ихьтин чуру крар арадал къвезва.

Хуьрерин администрациядин кьиле авай ксарин везифайрик хуьрерин мулкарин михьвал хуьнни

акатзава. Им, фикир гайитIа, абур патал тIмил важиблу месэла туш. Общественный чкаяр зирзибилрин хуртаризни гьамбарриз элкьур тавун патал райондин гьар са хуьруьн администрациядин кьили талукь тир серенжемар къабулун чарасуз я. Гьа са вахтунда инсанрини чеб инсанар тирди рикелай ракъурна кIандач.

Къейд ийин, эхиримжи вахтара агьалийри чпин хушуналди ва я

мергьяматлувилин фондарин куьмекдалди хайи ерияр михьи авунин серенжемар тешкилзавай дуьшуьшарни малум я. Бес чна вуч ийизва? Михьи авуна кIани чкадал, акси яз, къацIурзава... Ша чна ихьтин гьалариз аксивал къалурун. Лугьудайвал, чиркин тийизвай чкада михьвални жада.

Лезги ФЕТГЬУЬЛЛАГЬ

ШИИРАТ

Аливсет ГЪАБИБОВ

ЧИ УСТАД

(Къ. Х. Акимован 80 йисан юбилейдиз)

Филологиядин илимрин доктор, Бегьерлуди я багь вуна кутур, - Эдебиятда зегьметар чIугур. Лап бажарагьлу са устад я вун.

Чи лезгийрин ярж къазва на вине, Такабурулу руьгь ава ви къене. Ви юрд-макан я, рагь авай гуьне, Яратмишунра гьахь- азад я вун.

ЧIалан устад хьиз, язва алимни ДатIана язва къелем лигим ви. Жагьурзава ирс, вуна къадимди. Бажарагьдани лап абад я вун.

Яшар хуьрай вахь мад гзаф, сагьлам, РикIе хуьй гевес, ишигьлу илгьам. Къуй агалкъунрихь фирай гьар са кам, Чи дередин экв, авай сад я вун!

СЕРИН КIАНДА

Гатун юкьуз серин кIанда, Яр вахь галаз къекьведайла. Серин кIандач аз ви чиник, Назик пIузар хуььредайла...

ВУН АКI ФИМИР?

Сузана, вун рахаз-хуььрез, КIвалахдал зал дуьшуьш хьана. Къизилгуьлдин цуьк гайила, Куьз чинин ранг дегиш хьана.

КичIе жемир? Хуьх вуна цуьк, Багьа я аз вун, кIвал ацIай къван. Къенлай къулухь хамир зи рикI, Ви пел хуььрез акурай, чан.

Чи шад уьмуьр хуььрез хуьрай, Гъейрибурун чIалахь жемир, Рекьел гьалтай цацар вири, Русвагь ая, вун акI фимир?

ГАТФАР

Юмшагь хьанва гьаваяр, Акваз-такваз йикъарни. Мани ягьиз кIвачева Гьар са жуьре къушарни.

Ажеб гуьзел вахт я им, Багьда-никIе кIвалахдай. Тумар цада лежберди, Кар - кеспидал алахьдай.

Гъвечи руша назикдиз, Веке вегьизва данайриз. Вичин кIвалах къатIузва Ада еке гьунар хьиз.

Асланан къил винева, Гумрагь хуьзва кIелерни. Адахь галаз шад я къе Чуьлда авай къветерни.

ВУЧ ХЪСАН Я

Зегьем юкьуз айванд кьилел, Къайи шагьвар вуч хъсан я. Халкъдин юкьва гьуьрмет авай, Дагьвидин тIвар вуч хъсан я.

Эцигиз кIвал ийиз мелер, Гъаятдал хуьй хчин мехьер, Дустун чина хъайила хъвер, Аквадай югь вуч хъсан я.

Зуьрнедин ван къушарин сес, Михьи гьава кеф тушни бес? Хур ацIуриз, къачуз нефес, Мани лугьун вуч хъсан я.

Дагьдин кукIвай яргьар акваз, Тик синера свалар рахаз, Чи яйлахра кIелер къугьваз, Ажеб ванер вуч хъсан я!

Ашукьрин шад межлисрин ван, Галукьайла жада гьейран, Агъзур жуьре цуьквер алван, Авай чуьллер вуч хъсан я.

Багьда майва, къайси, кишмиш, Жада хурма, анар битмиш, Гьар са жуьре ширин емиш, Дадмишдай вахт вуч хъсан я!

АЛХИШДА

Гишиндаз фу гун патал, за къуьл пада, Инсан мерд хуьн, са бахт я, за къатIузва. Къве кIвач квай, вечерени вичин кьил хуььда, Намерд касдиз и гафар за лугьузва.

Заз акI кIанда, багьда ичер хъайила, Къуй дадмишрай? Зун чидай къван вирида. Им са бахт я, мугьмандиз рак ачух я, АкI хъайила, заз инсанри алхишда.




ЦИЙИ КТАБАР

«Насигъатдин къисаяр»

И мукъвара Махачкъалада кардик квай «Логос» чапханада Али-гъажи Эмирсултанован «Къуръандал ва Суннадал бинелу насигъатдин къисаяр» тIвар алай ктаб чапдай акъатна. 352 чиникай ибарат ктабдин редактор ЮГО-да РД-дин Муфтиятдин просвещенидин отделдин руководитель Шамиль-гъажи Омаров я.

«Эренлардин сес» газетдин килин редактор Али-гъажи Эмирсултанова алатай йисуз «Исламдин гъакъикъат» ктабни чапдай акъуднай. Цийи ктабда диндиз майилвалзавайбурувай менфят къачуз жадай насигъатдин къисаяр гъатнава.

«И ктабда авай къисаяр Къуръандал ва Суннадал бинеламиш хъанва. За абур гъар жуьре чешмейрай кIвагIна, лап итижлу ва важиблур и ктабда гъунин макъсад – им, гъелбетда, абур кIелна гъакI гъейран хъун ваъ, анжах абурукай тарс хкудна гъар са касди вичин уьмуьрда кечирмишун я. Къанажагълу мусурманди абурукай тарс хкудна, вичин уьмуьрда а



месэлайрал амал ийида», - кхъизва авторди ктабдин сифте гафуна.

Автордиз чна цийи ктаб акъатун тебрикзав ва мадни агалкъунар тIалабзава.

Ктаб къачуз кланибурувай агъадих галай нумрадиз зенг ийиз жада:

Тел.: 8-989-885-11-29

E-mail: aliusug@mail.ru

ОБЪЯВЛЕНИЕ

Уважаемые жители Докузпаринского района! ООО «Газпром трансгаз Махачкала» сообщает, что в связи с комплексным планом-графиком работ по диагностике, капитальному ремонту, переизоляции и реконструкции магистральных газопроводов на 2018 год, в период с 8:00 ч. 25 сентября по 8:00 ч. 28 сентября 2018 года, будет прекращена подача газа потребителям следующих ГРС:

- ГРС «Ахты» на населенные пункты с. Каракюре, с. Новое



Каракюре и с. Усугчай.

Возобновление поставки газа будет осуществлено после завершения намеченных работ

«Докузпара район» МР-дин Къил А. М. Алискерова, «Сад тир информациядин центр» МКУ-дин коллективди играми вах

АЛИКБЕРОВА САЯД

рагъметдиз финихъ галаз алакълу яз, Алиев Залидин Аликберовичаз адан хизандиз ва вири мукъва-къилийриз башсагълугъвал гузва.

Мискискарин юкван школадин муаллимрин коллективди Алиев Залидин Аликберовичаз играми вах

АЛИКБЕРОВА САЯД

рагъметдиз финихъ галаз алакълу яз башсагълугъвал гузва.

«ГОЛОС ЭРЕНЛАРА»

2001-ийсан
ноябрдилай акъатзава

Тешкилайди:

Докузпара райондин администрация,
Дагъустан Республика

Учредитель:

Администрация Докузпаринского района, Республика Дагестан

Къилин редактор:

А. Э. ЭМИРСУЛТАНОВ

Жавабдар секретарь:

К. Н. ФЕРЗАЛИЕВ

Хуси корреспондентар:

Ш. О. ШАГЪБАЛАЕВ
В. С. АГЪАМУРАДОВ

Корректор:

Ш. О. ШАГЪБАЛАЕВ

Верстка авурди:

К. Н. ФЕРЗАЛИЕВ

Газетдин индексар:

Зур йисан къимет - 241,86 м.
Йисан къимет - 483,72 м.

Чандиз вахкай вахт: 14:00

Чапзавай вахт - 17:00

Тираж 544

Редакциядинни макъалайрин авторрин фикирар сад тахъун мумкин я. Макъалайрин делилрин дуъзилдин патахъай жаваб авторри чни гуда. Макъалайриз рецензия гузвач ва абур элкъвена вахузвач. Мадни, чпин макъалайра дегизишер тунал, къилер дегизишарунал рази тушир мухбиривай чна абур редакциядиз ракъур тавун тIалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докузпара район, Усугъчай хуьр, тел.+7 (8722) 55-14-61 e-mail:

golos-erenlara@mail.ru
Чи сайт: www.erenlar.ru